

Zebarri?

U R L A T I K L A N D E T A R A

ESKORIATZA ETA LEINTZ GATZAGA / Egubakoitza / 2004ko maiatzaren 28a / 167. zenbakia

KOORDINATZAILEA: Mirari Altube • Durana 11 20550 ARETXABAETA • Tel.: 943 79 86 21 • Faxa: 943 77 18 54 • Posta elektronikoa: zebarri@goiena.com • Lege gordailua: SS200/99

Aldundiak autobideak kaltetutakoen alegazio gutxi batzuk hartu ditu aintzat

ZURIÑE VELEZ DE MENDIZABAL

Aste honetan Foru Aldundiko teknikari batzuk herrian izan dira, autobidearen kontrako hainbat alegaziori erantzuten. Hala ere, bisitaldia berandu heldu da, eta ez da nahikoa izan, kaltetuen iritzi. Gainera, lanak aurrera doaz, lurjabeen baimenik gabe.

Astelehenean, hilak 24, Gipuzkoako Foru Aldundiko hainbat teknikari herrian izan ziren. Izan ere, kaltetuekin elkartu ziren, autobideari aurkeztutako hainbat alegaziori erantzuteko.

KALTETUTAKOEN SALAKETAK

Baina autobideak kaltetutako eskoriatzarrak ez dira gustura geratu. Haien esanetan, aurkeztutako alegazioetatik oso gutxi hartu ditu kontuan Diputazioak: "Nabarmenak diren alegazio gutxi batzuk bakarrik onartu ditu Aldundiak", adierazi dute.

Baina ez da egin duten salaketa bakarra. Izan ere, Aldundiko ordezkariak berandu etorri dira herrira; beraien ustez, kaltetuen deiari erantzuteko denbora luzeegia behar izan dute. Gai-



Herriko hainbat kaltetu Donostiara alegazio epea luzatzeko eskatzera joan ziren apirilaren 26an.

nera, datorren hilaren lean, teknikari horiek beraien iritzia eman behar diete Aldundiko diputatuei, eta egun horretan hartuko da alegazioen gaineko azken era-

bakia. Horregatik, denbora luze-agoa eman beharko litzaieke, kaltetuen ustetan.

Bestalde, alegazioen auzia konpondu gabe egon arren ere,

Aldundiko zenbait topografo kaltetuen lurretan sartu eta dagoneko lurak neurtzen hasi dira, inolako baimenik gabe. Gainera, hainbat zuhaitz moztu ei dituzte.

Alegazioei buruzko azalpena berandu iritsi delako kaltetuak haserre daude

Jabeei baimenik eskatu gabe Aldundiko topografoak beraien lurretan sartu dira

Ekainaren lean teknikariek alegazioen gaineko iritzia emango diete diputatuei



Ezeizako areto-futboleko neskak finalerdian

Eskola kirolaren barruan, Luis Ezeiza ikastetxeko neskak areto-futbol partida jokatuz zuten zapatuan. Donostian aritu ziren alebin mailako neskak, eta finalerdia jokatuz zituzten bertan. Lazkao izan zuten aurkari, baina eskoriatzar gazteek ezin izan zioten talde horri irabazi. 0-4 galdu zuten areto-futbol taldekoek, baina hala ere, pozik daudela adierazi dute, finalerdia jokatzeak aukera izan dute eta. Datorren urtean hobeto egiten saiatuko dira.

LABUR

San Pedro jaietako leloa aukeratuko dute lehiaketa bidez

Martitzenean, hilak 31, amaituko da San Pedro jaietako leloak aurkezteko epea. 13 urte baino gehiagoko eskoriatzarrak hiru eta bost bitarteko lagun taldeetan har dezakete parte. Udaletxera edo kultura etxera eraman beharko dituzte lanak. Ekainaren 8an iragarriko dute talde irabazlearen izena, eta afari bat ordainduko diete San Pedrotan. Bestalde, beste esaldi batzuk aukeratu eta pegatinak egingo dituzte; talde horiek 40 euro jasoko dute ordainetan.

TELEFONO JAKINGARRIAK

ESKORIATZA

Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Ezeiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

BESTELAKOAK

Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak 112

OHARRAK

KARTEL LEHIAKETA

Aurtengo San Pedro jaietako kartelak aurkezteko azken eguna ekainaren 4a, egubakoitza.

EZEIZAKOAK SARARA

Zapatuan, Ezeizako 180 guraso eta ikasle elkarrekin joango dira euskara bultzatzea helburu duen txangoa. Bazkaldu, eta herri kirolak egingo dituzte; eta Larrun mendira igoko dira trenean.

ZAZPI ELIZATEEN MARTXA

Herriko zazpi elizateetara lehenengo irteera antolatu dute domekarako. 7:30etan irtengo dira herriko mendizaleak plazatik.

AXTROKIRENAGENDA

MANIFESTAZIOA IRUÑEAN

Ekainaren 5ean hizkuntza eskubideen aldeko manifestazioa egingo da Iruñean. Txartelak Axtrokin eta Tortolis ludotekan; 6 euro bazkideek, 7 gainerakoek.

ARIZMENDIK ANTOLATUTAKO AZOKA ETA ASTE ZAPATISTA NAGUSI EKAINEAN

Magia eta umorea nagusi gaurko helduentzako ipuin kontaketan

Z.V.M.

Ekainean zehar ere hainbat ekimen eramango dituzte aurrera herrian: hitzaldiak, musika emanaldiak...

Maiatzari amaiera emateko, Nuni-la ipuin kontalaria arituko da gaur, 22:30ean, Unibertsitatean. *Cuentos para antes de despertar*, hausnartzera bultzatzen duen helduentzako saioa.

ASKOTARIKO AUKERA EKAINEAN

Askotariko aukerak izango dira herrian datorren hilean. Lehendabizikoa hilaren 3an, 19:30ean, kultura etxean egingo den hitzaldia. *Minbiziaren oraina eta geroa* izeneko berbaldian Jose Antonio Alberro Donostiako Onkologikoko zirujaua arituko da hizlari lanetan.

Bestetik, Arizmendik antolatutako *ferixie* ospatuko dute ekainaren 5ean: baserriko produktuak, artisautza, herri kirolak...

Hilaren 10ean, antzerkia, musika eta umorea uztartzen dituen ikuskizuna egingo da Ramon Agirre aktorearen eskutik.

Ekainean herrian egingo diren hitzaldiek osasuna izango dute hizpide

Zazpi gezur txiki aurkeztuko du. Ekainaren 12an, Herri Eskolaren jaia ospatuko da, Luis Ezeiza Guraso Elkartekoek antolatuta. Bertan, kirola, jokoak, bazkaria eta dantzaldia egingo dira. Guraso Eskolak ez du atsedenik hartuko datorren hilean, eta Acabe taldearen eskutik elikadura arazoei buruz mintzatuko dira, bai anorexia baita bulimiari buruz ere, esaterako.

ASTE ZAPATISTA

Aste Zapatista egingo da Eskoriatzan urteko seigarren hilabetean, ekainaren 14tik 20ra, hain zuzen ere. Gazte Asanbladak eta Txia-pasekin Elkartasunerako Euskal Plataformak antolatu dute ekime-



ARTIBOIA

Datorren astean egingo den azokan giro bikaina egotea espero dute.


na, eta beraien helburua da Txia-pasko errealitatea herrian ezagutaraztea; horretarako, hitzaldiak, diapositiba emanaldiak, ipuin kontaketa eta kontzertuak egingo

dira Eskoriatzan, besteak beste. Kultura etxean *Mugimendu Zapatista eta Txiapasen egindako egitasmoak* erakusketa jarriko dute, ekainaren 15etik ekainaren 20ra.

Ikasleak primeran aritu ziren bertsoetan

Z.V.M.

Martitzenean, Ezeizako eta Almengo hainbat ikasle bildu ziren, ikasturtean zehar bertsoaritzari buruz hartutako ezagutza praktikan jartzeko. Ederto aritu ziren.



Z.V.M.

Ikasleak fin aritu ziren.

Aretoa lepo bete zen. Ekimenaren lehenengo zatian, 18 ikasle igo ziren eszenatokira, eta ber-

tan, aurrez prestatutako hainbat bertso abestu zituzten. Ondoren, Aitor Mendiluze bertsolaria eta Arizmendiko bi ikasle igo ziren. Inprobisatutako elkarrizketa izan zuten bi neskek, eta horiek esandakoak bertsoa moldatu zituen irakasleak.

PROIEKTUAREN NONDIK NORAKOAK

Bizkaian eta Araban lehenago hasi ziren proiektu hori aurrera eramaten, baina Gipuzkoan iaz hasi ziren, eta bailarako ikastetxeetan hasi ziren ekimenarekin.

Datorren ikasturteari begira, eskolez gain, gazteak bilduko dituzten bertso-eskolak sortu gura dituzte ibarrean, eta horrela bertsoaritzara sustatu.

LABUR

Rosa Lasagabaster bigarren Euskadiko Txapelketan

Aizkorriko mendi maratoiaren hirugarren edizioa egin zen zapatuan. Bailarako jende ugari hartu zuen parte; Rosa Lasagabaster eskoriatzarra tarteko. Hirugarren aldiz parte hartu du aurtien Rosak. Belaunean min hartu zuen azken hamar kilometroetan, eta ondorioz iaz baino ordu erdi gehiago behar izan zuen amaitzeko. Hala ere, Euskadiko Txapelketan bigarren amaitu zuen. Nahiz eta penaz egon, oso gustura agertu zen egindako lanarekin.

BEIRALAN




KRISTALDEGIA

Laster denda berritua!

Herriko plaza 8, behea • Aretxabaleta • 943 79 81 78 / 670 997 274

Markoztatzea



ENRIKE MAZMELA BOLINAGA

HORTZ KLINIKA



Eduardo Gorosari 3-1. esk.
Tel: 943 71 47 36
Eskoriatza



DORLETA

Aranburuzabala 22, behea
ESKORIATZA
Tel.: 943 71 51 20

AZKOAGA

ESTANKOA

943 71 48 77
Zure Zerbitzura

AURREKONTUA JAKINDA, ERABILERA ZEHAZTU BEHARKO DUTE

Soran gaztelua berrizteko lanen kostua finkatuko du arkitekto batek

Z.V.M.

Ohiko osoko bilkura egin zuten atzo, eguena, Gatzagan. Hainbat gai landu zituzten bertan. Besteak beste, Indiano Etxearen birgaiketari eta Arlabango lurretan egin beharreko ingurumen azterketari buruz egin zuten berba herriko udal ordezkariak.

Atzo maiatzeko osoko bilkura egin zuten Leintz Gatzagako udal txean. Udal ordezkariak bildu eta aurrez prestatutako gairerendari buruz aritu ziren.

Aurreko akten onespina izan zen horietariko bat, eta horrekin batera, hainbat faktura eta gastu onetsi zituzten Gatzagan.

San Migel enparantzan dauden garajeetako plazak erabili ahal izatea da Udalaren egitasmo bat, eta horretarako espedientea adostu dute.

INDIANO ETXEAREN BIRGAIKETA

Maiatzeko osoko bilkuran adostutako beste kontu bat Indiano Etxearen berriztapen kontuak izan dira. Nahiz eta aurreko legealdietan asmo bera izan duten, oraindik gauzatu ez den egitasmoa da. "Egoera kaxkarrean dago eraikina, eta konpondu ezean, azkenean eraitsi egingo da", adierazi du Joxerra Perez alkateak.

Soran gazteluaren lanak egiteko behar izango den diru kopuru zehatza jakin gura du Udalak. "Horregatik, proiektuaren aurrekontua egin behar da", adierazi du Perezek. Nahiz eta aurretik eginda dagoen —duela hamar bat urte— lanen kostua handitu egin da urtetik urtera, eta gaur eguneko balioa jakin gura dute. Arkitekto bati emango diote lan horren ardura.

"Behin aurrekontua jakinda, finantziario modua bilatu behar dugu", azaldu digu Joxerrak. Udalak berak ordaintzeko moduko lana izango balitz, hainbat proiektuari buruz egin da berba. Besteak beste, etxebizitzak egin edota zenbait bulego Indiano Etxean ezartzea.



Zein erabilera emango zaion zehazteke dago oraindik, baina ez dute ideiarik baztertzen.

San Migel enparantzako garajeetako plazak erabilgarriak izatea gura du Udalak

Aurreko legealdietan eraikinararen erabilera modu desberdinak eztabaidatu ziren. Horiatariko bat hotela ezartzearena izan zen, eta ez dute ideia baztertzen oraingo udal agintariak.

ARLABANI BURUZKOAK

Bestalde, Arlaban eremuko plan bereziak ingurugiroan izango duen eraginaren ebaluaketa egi-

"Indiano Etxea konpondu ezean, azkenean erori eta herriko historiaren zati bat galduko da"

teko, lanen esleipena egin zuten ohiko osoko bilkuran.

Ingurugiro-inpaktuari buruzko azterketa egin behar dutela adierazi dute Gatzagako udal ordezkariak. Gure Ametsa, Gaztainuzketa, Gatzagako... artean zer egin daitekeen jakin gura du Udalak. Horregatik azterketa egin beharra azpimarratu dute. Hala ere, egitasmoaren hasiera-onarpenera ados-

Aurrekontuaren arabera, etxebizitzak, bulegoak, zein hotela egin daitezke Olanen

tea funtsezkoa da azterketa bideratu ahal izateko. Hori izan da osoko bilkuran landu dutena.

Hala ere, egitasmoa ez da errepidea konpontzeko proiektua; hori ez dagokio herriko Udalari. "Baina Arlabaneko lurrak berdintzeko 600.000 euro bideratuko dituztela jakin dut", adierazi du Joxerrak. "Hala ere, niri ez didate ezer jakinarazi", gaineratu du.

LABUR

Garra enpresa izan zen gasari buruz hitz egiten

Pasa den zapatuan, maiatzak 22, Garra gas instalazio enpresako hainbat kide herrian izan ziren. Herrian gas naturala sartu gura du Udalak. Hala adostu zuten aurtengo aurrekontua onartu zutenean; ur eta gasaren hornikuntza sare-rako 15.000 euro bideratu dituzte. Horregatik, herriko 50 bat lagun elkartu ziren Antzuolako enpresako langileen azalpenak entzuteko. Propano gasa zer den eta nolako abantailak ekarriko dituen argitu zieten herritarrei. Horrekin batera, etxez etxe joateko asmoa zutela adierazi zieten gatzagarrei, sistema hori gura dutenak zenbat diren zehatz jakiteko.

"Gatzagako Udalak lanak egiteko baimena eskatu zuen, eta baiezkoa ematen digutenean hasiko gara gas sarea eraikitzen" adierazi digute udal ordezkariak. Bitartean, itxaron egin behar.

Datorren egunean irekiko dute Gatzagako Gain jatetxea

Gutxi gorabehera urte erdiz itxita egon ondoren, datorren astean irekiko ditu berriz atak Gatzagako Gain jatetxeak. Bi eskoriatzarrek hartu dute lokala. Nerea eta Juan Luis Eraña anai-arrebak dira, eta batera egingo dute lan. Jatorduak prestatuko ditu Nereak. Izan ere, sukaldaritza ikasketak egin ditu eskoriatzar honek, eta bere kontura lan egin gura zuen. Horrela, anaia-ri bere asmoen berri eman eta elkarrekin hasi dira.

Datorren egunean, ekainak 3, irekiko dute Gatzagako Gain bezeroentzako. Hala ere, jatetzeko kontuetan lagundu dieten adiskideekin ekimen pribatuen bat egin gura dute. Baina esan bezala, lagunentzako hitzordua izango da bakarrik. Gainerakoek, hurrengo egunera arte itxaron beharko dute.

ALZA

- Sukaldéko tresneria
- Lapiko lasterrak
- Zartagin eta paella-ontzi

Aingeru ibiltokia 3
Tel.: 943 71 41 31 Eskoriatza 20540

LENIZ, C.B. KONPONKETAK

LENIZ
ESKORIATZA

TXAPA, MARGOA eta MEKANIKA

SUZUKI

Aingeru ibiltokia z/g. • Tel.: 943 71 50 61 • Eskoriatza

Ze barri?

Izan zaitez zeu ere berriemaile!

Zure taldearen, auzoaren, elkartearen... gainera informazioa emateko, deitu gurera!

943 79 86 21



GOITBko aurkezle izan nahi?

Interesatuta egonez gero, deitu 943 71 23 95 telefono zenbakira eta utzi izen-abizenak eta telefono zenbakia.
Laga lotsak alde batera eta deitu!

Aretxabaleta eta Eskoriatzako taberna eta jatetxeen gida

hemen bada
giro!



Matikua jatetxea

Azatza auzoa ARETXABALETA 943 79 16 68

atseden
CYBERCAFE



Araba Ibilbidea 27 Aretxabaleta Tel.: 943 79 89 91



EGVNEKO MENYAK
OTARTEKOAK ETA
PLATER KONBINATYAK

DURANA 32 • TEL. 943 792064
ARETXABALETA

NAIRA
Taberna

Aranburuzabala 16
Eskoriatza. 943 71 46 71

AKEITA
Taberna

Pintxoak eta ogitartekoak

Santa Ana 23
Tel.: 943 71 50 94
ESKORIATZA

ZARAIA
taberna

Goizeko 06:00etik irekita
Araba Ibilbidea 20 • ARETXABALETA
Tel.: 943 79 88 95

HIRUSTA JATETXEA
Zatoz gure sukaldea ezagutzera



Ilargi plaza 4. Tel. :: 943 79 06 57

BASABE
Menuak eta afariak



Basabe poligonoa ARETXABALETA 943 79 91 84



Areantza auzoa, Aretxabaleta
943 79 17 51

Taberna Berri



Durana 26, ARETXABALETA. 943 79 20 67

TABERNA
ARLUTZ

Gustuko musika
Mitarte 16. ARETXABALETA Tel.: 943 79 32 34

Dorleta
taberna

Bezzeroen zerbitzura

Loramendi, 8
ARETXABALETA
Tel.943 79 94 15

ORLY

Herriko plaza
943 79 09 33
ARETXABALETA

Txalaparta taberna



Aranburuzabala 25 ESKORIATZA

Aretz
taberna



ORDUTEGIA:
Asteleneetik ostiralera
9:00etatik zabalik
Astebukaeretan
11:00etatik aurrera

Markole, 5 behea
Tel.: 943 79 14 67
ARETXABALETA